

Lëtzebuerg, den 2. Dezember 2019

Här Fernand ETGEN
Chamberspräsident
LËTZEBUERG



DEMOKRATESCH
PARTEI

Chambre des Députés
Groupe Parlementaire

Här President,

Esou ewéi den Artikel 83 vum Chambersreglement et virgesäit, bieten ech Iech, dës parlamentaresch Fro un den Här Minister fir Mobilitéit an ëffentlech Aarbechte weiderzeleeden:

„Ëmmer nees héiert ee vun zum Deel chaoteschen a geféierleche Situatioune moies, wann Elteren hir Kanner mam Auto bei d'Schoul oder de Lycée féieren, dat virun allem während de Wanterméint. Ganz besonnesch geféierlech ass et, wann am Moiestrafic Elteren hir Kanner zur Stroossesäit aus dem Auto klamme loossen. Wëssend, dass an de Wanterméint d'Siicht moies schlecht ass, a vill Leit gestresst sinn, steet a sou Fäll ouni Zweifel d'Sécherheet vun de Kanner um Spill.

An deem Kader wollt ech dem Här Minister fir Mobilitéit an ëffentlech Aarbechte folgend Froe stellen:

- *Ass den Här Minister sech dëser Problematik bewosst?*
- *Zou wéi vill Accidenter ass et an de leschten dräi Joer viru Schoule respektiv Lycéeë komm?*
- *Ass den Här Minister der Meenung, dass vu Säite vum Ministère Mesure geholl misste ginn, fir Praktike wéi déi uewe genannten z'ënnerbannen?*
- *Wa jo, wéi eng Mesure géif den Här Minister an deem Kader an d'A faassen? Gedenkt den Här Minister eng Sensibiliséierungscampagne zu deem Thema ze lancéieren?*
- *Wéi eng Mesuren si virgesinn, fir d'Elteren z'encouragéieren, hir Kanner zu Fouss oder mam ëffentlechen Transport bei d'Schoul ze bréngen?*
- *Gedenkt den Här Minister de „Pedibus“ um Gemengenniveau méi staark z'encouragéieren?*


9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07

dp@dp.lu
www.dp.lu

- *Ass vu Säite vum Ministère virgesinn, zesumme mat de Gemenge raumplaneresch Konzepter, wéi z.B. „Kiss&Go“, auszeschaffen, fir d’Zirkulatioun vun Autoe viru Schoulen a Lycéeën ze begrenzen?“*

Mat déiwem Respekt,



Max HAHN
Deputéierten